

## 481 Voor u Wet, Heer, staan ons skuldig

Isak Louis de Villiers (geb. 1936)

Genève (1551)

1. Voor u wet, Heer, staan ons skul - dig. Lief - de is die groot ge - bod!

Lief-de is ons steeds ver - skul - dig aan ons naas-te en ons God.

Ons wil u ge-bod be - waar, maar ons strui - kel bai - e ke - re.

Leer ons lief-de vir me - kaar, maar bo - al vir U, o He - re.

8.7.8.7.7.8.7.8.

Psalm 25

Liefde doen aan niemand kwaad nie: Dis vervulling van die Wet.  
 Die gebod mag ons nie laat nie, maar met ywer daarop let.  
 Ons weet, ver is reeds die nag; ken die tydsomstandighede -  
 weldra breek die volle dag. Wek ons, Heer, uit valse vrede!

Laat ons dan opnuut ons aangord met die wapens van die lig.  
 En laat ons welvoeglik wandel voor die Heer se aangesig.  
 Ons wil ons met Hom bekleed - maak geen voorsorg vir die vlees nie.  
 Hy wat ons sy liefde gee, sal ons Hom nie dien en vrees nie?